

de le case, volendo, compito l'anno, un mexe avanti refudarle; et cussì li patroni, non volendo li sazenti staghinq più in le sue case, farli far il cuito per ditto officio, et quivi notarlo. Questi zudesi ancora aldeno le cause di nolli de nave et altri navilij; et essendo molti partionevoli su un navilio o ver nave, volendo partirlo, questi vendeno il corpo al publico incanto, et danno le sue parte dil tratto a cadauno. È officio di gran fastidio, per il continuo cridar de' forestieri, ma di non piccola utilità.

*Zudesi de mobele.*

Zudesi de mobele sono tre, da anni 25 in suso; stanno mesi 16; si fa per 4 man di election; sentano ogni mattina in palazzo, per mezo el zudega' de forestier. Aldeno le cause con domande et difese da ducati 50 in zoso, et spazzano quelle per giustitia; zudega li ponti de li testamenti, a leze et *ad litteram, ut iacet*, da intrometter tanto, quanto ha ordinato el testador. La qual auctorità Francesco Dandolo la tolse al zudega' de' forestier, et ordenò questi zudesi. Bi-